

Na osnovu čl. 4.2, 4.7. i 7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, broj 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 16. Pravilnika o licencama – prečišćeni tekst (“Službeni glasnik BiH”, broj 63/16), rješavajući po zahtjevu Javnog preduzeća za komunalne djelatnosti “Komunalno Brčko” d.o.o. Brčko Distrikt BiH broj 05-28-12-216-1/20 od 29. juna 2020. godine, na sjednici Državne regulatorne komisije za električnu energiju, održanoj **.***** 2020. godine, donijeta je

ODLUKA

O IZDAVANJU LICENCE ZA DJELATNOST DISTRIBUCIJE ELEKTRIČNE ENERGIJE

1. Izdaje se licenca za obavljanje djelatnosti distribucije električne energije podnosiocu zahtjeva Javno preduzeće za komunalne djelatnosti “Komunalno Brčko” d.o.o. Brčko Distrikt BiH.
2. Licenca iz tačke 1. ove Odluke izdaje se za period od 1. novembra 2020. godine do 31. oktobra 2030. godine i koristi se u skladu sa Uvjetima za korištenje licence za obavljanje djelatnosti distribucije električne energije.
3. Licenca za obavljanje djelatnosti distribucije električne energije sastavni je dio ove Odluke.
4. Vlasnik licence je u obavezi plaćati regulatornu naknadu u periodu važenja licence, na način i u rokovima utvrđenim posebnim aktom.
5. Ova Odluka stupa na snagu danom donošenja, a dispozitiv Odluke bit će objavljen u “Službenom glasniku BiH” i službenim glasilima entiteta.

Obrazloženje

(po okončanju postupka)

Broj: 05-28-12-216-*/20
.*** 2020. godine

Tuzla

Predsjedavajući Komisije

Nikola Pejić



UVJETI ZA KORIŠTENJE LICENCE ZA OBAVLJANJE DJELATNOSTI DISTRIBUCIJE ELEKTRIČNE ENERGIJE

Registracijski broj licence: 05-28-12-216-*/20

Naziv vlasnika licence: Javno preduzeće za komunalne djelatnosti „Komunalno Brčko“ d.o.o.
Brčko Distrikt BiH

1. Opće odredbe
 - 1.1. Ova licenca se izdaje u skladu sa Pravilnikom o licencama – pročišćeni tekst (“Službeni glasnik BiH”, broj 63/16), a na osnovu zahtjeva broj 05-28-12-216-1/20 od 29. juna 2020. godine podnijetog od JP “Komunalno Brčko” Brčko Distrikt.
 - 1.2. Licenca se izdaje za period od 1. novembra 2020. do 31. oktobra 2030~~5~~. godine.
2. Obavljanje licencirane aktivnosti
 - 2.1. Vlasnik licence je ovlašten da obavlja djelatnost distribucije električne energije (licenciranu djelatnost) poštujući odredbe Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), Zakona o električnoj energiji – Prečišćeni tekst (“Službeni glasnik Brčko Distrikta BiH”, broj ~~36/04, 28/0727/18 i 61/10~~), kao i odredbe definirane u licenci.
 - 2.2. Pravo obavljanja licencirane djelatnosti iz tačke 2.1 dodjeljuje se isključivo vlasniku licence.
 - 2.3. Obaveze definirane u licenci ne umanjuju obaveze vlasnika licence definirane zakonom.
 - 2.4. Licencirana djelatnost iz tačke 2.1. podrazumijeva distribuciju električne energije na području Brčko Distrikta Bosne i Hercegovine.
 - 2.5. Vlasnik licence ne može prestati obavljati licenciranu djelatnost bez prethodnog odobrenja od DERK-a.
 - 2.6. Vlasnik licence preuzima električnu energiju na naponskim nivoima 35 kV i 10 kV u TS 110/35/10 kV Brčko 1 i TS 110/35/10 kV Brčko 2 i ostvaruje razmjenu električne energije sa susjednim distributivnim područjima.
 - 2.7. Vlasnik licence obavlja djelatnost distribucije električne energije koristeći objekte date u prilogu ovih uvjeta (Prilog 1 – Tabelarni prikaz objekata vlasnika licence u funkciji obavljanja licencirane djelatnosti). Distribucija električne energije i aktivnosti vezane za distribuciju električne energije izuzetno se vrše i na objektima koji nisu u vlasništvu vlasnika licence (Prilog 2 – Tabelarni prikaz objekata koji nisu u vlasništvu vlasnika licence, a koji su neophodni za obavljanje licencirane djelatnosti).

Formatted: Not Highlight

3. Obaveze i prava vlasnika licence

- 3.1. Vlasnik licence je dužan u toku korištenja licence permanentno zadovoljavati opće i specifične kriterije utvrđene Pravilnikom o licencama na osnovu kojih mu je licenca izdata i podnositi DERK-u o tome odgovarajuće dokaze.
- 3.2. Vlasnik licence je dužan da redovno ili po zahtjevu DERK-a, dostavlja DERK-u finansijske i ostale izvještaje u formi i obimu definiranom ovom licencom ili zahtjevom DERK-a.
- 3.3. Vlasnik licence je dužan da priprema finansijske izvještaje koji će biti dostupni javnosti za licenciranu djelatnost u skladu sa računovodstvenim standardima koji važe u Bosni i Hercegovini i u skladu sa odredbama koje propiše DERK.
- 3.4. Vlasnik licence je dužan da obavlja licenciranu djelatnost kao javnu uslugu u skladu sa zakonom.
- 3.5. Vlasnik licence je dužan računovodstveno razdvojiti licenciranu djelatnost od drugih djelatnosti.
- 3.6. Vlasnik licence je dužan da posjeduje sistem osiguranja kvaliteta i obavještava DERK o njegovim promjenama.
- 3.7. Vlasnik licence je dužan voditi evidenciju o prekidima u snabdijevanju električnom energijom, kao i evidenciju o komercijalnom kvalitetu u svrhu utvrđivanja pokazatelja kontinuiteta i komercijalnog kvaliteta snabdijevanja na način odobren od DERK-a. Vlasnik licence je dužan da poštuje Tržišna pravila i Mrežni kodeks. [Vlasnik licence je dužan dostavljati DERK-u izvještaje o kontinuitetu isporuke do kraja februara za prethodnu kalendarsku godinu. Izvještaj treba da sadrži pregled prosječnih vrijednosti pokazatelja kontinuiteta isporuke \(SAIFI, SAIDI\) tokom prethodnih pet godina \(tabelarno i grafički\), po naponskim nivoima i kalsificiranih prema uzroku nastanka \(viša sila, treća strana, odgovornost korisnika dozvole\). Izvještaj treba da sadrži i vrijednosti neisporučene električne energije zbog kvara kao i zbog planiranih radova.](#)
- 3.8. Vlasnik licence je dužan da poštuje Opće uvjete za isporuku i snabdijevanje električnom energijom i Distributivna mrežna pravila u Brčko Distriktu Bosne i Hercegovine.
- 3.9. Vlasniku licence nije dozvoljeno da provodi bilo kakve antikonkurencijske aktivnosti, zloupotrebljava tržišnu moć ili vrši manipulacije tržištem električne energije.
- 3.10. Vlasnik licence je dužan da svoje usluge pruža na fer i nediskriminirajući način.
- 3.11. Vlasnik licence ima pravo da prisustvuje sastancima tehničkih komisija koje daju komentare tokom pripreme i izmjena Mrežnog kodeksa i Tržišnih pravila. Vlasnik licence ima pravo da bude biran u tehničku komisiju.
- 3.12. Vlasnik licence je dužan da se pridržava odluka Nezavisnog operatora sistema u Bosni i Hercegovini (NOS BiH) kada se, u skladu sa zakonom i licencom NOS-a BiH, u hitnim okolnostima koje zahtijevaju brzo djelovanje, mijenja Mrežni kodeks ili Tržišna pravila.
- 3.13. Vlasnik licence je dužan da poštuje mjere koje propiše DERK, Ministarstvo vanjske trgovine i ekonomskih odnosa Bosne i Hercegovine (Ministarstvo) ili nadležni organ Brčko Distrikta BiH u slučaju prirodne katastrofe ili druge situacije sa posljedicama po opću sigurnost.

- 3.14. Vlasnik licence je dužan da poštuje važeće tarife, kao i Pravilnik o tarifnom postupku („Službeni glasnik BiH“, broj 44/05) i Metodologiju za izradu tarifa za usluge distribucije električne energije u Brčko Distriktu Bosne i Hercegovine, („Službeni glasnik BiH“, broj 89/11 i 90/14).
 - 3.15. Vlasnik licence je dužan da na zahtjev DERK-a, NOS-a BiH, Elektroprijenosa Bosne i Hercegovine i Ministarstva, kao i nadležnih organa Brčko Distrikta BiH, dostavi tražene podatke, dokumente i informacije potrebne za provođenje zakona. Organi kojima su podaci dostavljeni čuvat će povjerljivost svih traženih podataka i informacija koje se smatraju trgovačkom tajnom ili povjerljivim, osim u mjeri u kojoj zakon predviđa da se takvi podaci objave.
 - 3.16. Vlasnik licence je dužan na svojoj internet stranici objaviti sve relevantne informacije i podatke koji se odnose na licenciranu djelatnost, a koje su potrebne korisnicima ili su od javnog interesa.
 - 3.17. Vlasnik licence je dužan osigurati nediskriminirajući pristup treće strane distributivnoj mreži.
 - 3.18. Vlasnik licence je dužan ostvarivati pravo vlasništva ili drugi pravni osnov za korištenje elektroenergetskih postrojenja, objekata i zemljišta putem koga i na komu se obavlja djelatnost. O svim promjenama u vezi sa vlasništvom nad postrojenjima, objektima ili zemljištu dužan je bez odlaganja obavijestiti DERK.
 - 3.19. Vlasnik licence je dužan posjedovati mjerne uređaje ugrađene na mjestima primopredaje električne energije tipa i klase definirane tehničkim standardima i propisima DERK-a.
 - 3.20. Vlasnik licence je dužan osigurati redovno očitavanje, održavanje, kontrolu, podešavanje i baždarenje mjernih uređaja.
 - 3.21. Vlasnik licence je dužan da do kraja februara podnese zahtjev za ažuriranje priloga ove licence sa stanjem na dan 31. decembra prethodne godine, ukoliko je došlo do izmjene njihovog sadržaja. Uz zahtjev za ažuriranje prilaže se upotrebna dozvola sa pratećom dokumentacijom, kao i ažurirana mapa elektroenergetskog sistema. O svim izmjenama vlasnik licence obavještava DERK i u vrijeme nastanka izmjene.
4. Nadgledanje obavljanja licencirane djelatnosti
 - 4.1. DERK nadgleda obavljanje licencirane djelatnosti.
 - 4.2. DERK nadgleda sve aspekte usklađenosti djelovanja vlasnika licence sa uvjetima licence, kao i svim odredbama relevantnih zakona i propisa DERK-a.
 - 4.3. DERK može pokrenuti hitni postupak u cilju reagiranja na osnovanu sumnju o povredi obaveza iz licence, na vlastitu inicijativu ili kao odgovor na zahtjev bilo kojeg lica.
 - 4.4. DERK vrši najavljene i nenajavljene inspekcije objekata i dokumenata vezanih za licencirane aktivnosti. DERK ima pravo pristupa objektima vlasnika licence, ili objektima kojima upravlja vlasnik licence, prostorijama vlasnika licence, njegovoj opremi, dokumentima, poslovnim knjigama i arhivi kako bi izvršio pregled licencirane aktivnosti. Vlasnik licence DERK-u pruža svaki vid pomoći zatražen u toku pregleda.
 - 4.5. Vlasnik licence obavještava DERK o svakoj povredi uvjeta za korištenje licence u roku od 7 dana od saznanja vlasnika licence da je došlo do povrede.

Formatted: Not Highlight

Formatted: Not Highlight

Formatted: Not Highlight

5. Dostavljanje podataka i izvještaja
 - 5.1. Vlasnik licence dostavlja izvještaje DERK-u na način definiran licencom, kao i izvještaje po posebnom zahtjevu DERK-a, na način i u formi koju propiše DERK.
 - 5.2. U roku od 90 dana po isteku fiskalne godine, vlasnik licence će dostaviti svoj godišnji izvještaj o poslovanju za tu fiskalnu godinu. Revidiran finansijski izvještaj će se dostaviti u roku od 180 dana po isteku fiskalne godine.
 - 5.3. Vlasnik licence priprema i dostavlja DERK-u mjesečni izvještaj o preuzetoj, isporučenoj i fakturiranoj električnoj energiji, naplaćenim potraživanjima, pokazateljima kvaliteta snabdijevanja, realizaciji plana održavanja i realizaciji plana investicija.
 - 5.4. Vlasnik licence izvještava DERK o vanrednim stanjima u mreži po njihovom dešavanju.
 - 5.5. Vlasnik licence svakih šest mjeseci dostavlja DERK-u na uvid zapisnike i rješenja nadležnih inspekcija.
6. Obnova, izmjena, suspenzija ili ukidanje licence
 - 6.1. Vlasnik licence je dužan podnijeti zahtjev za obnovu licence najkasnije 120 dana prije isteka licence.
 - 6.2. Tokom perioda važenja licence, na zahtjev vlasnika licence ili na inicijativu DERK-a, moguće je otvoriti proces redefiniranja licence kako bi se uskladili uvjeti licence sa značajnijim promjenama u zakonu ili činjeničnim okolnostima.
 - 6.3. Suspenzija ili ukidanje licence se obavlja pod uvjetima, u slučajevima i na način određen Pravilnikom o licencama.
7. Regulatorna naknada
 - 7.1. Vlasnik licence je dužan da u periodu važenja licence plaća regulatornu naknadu u skladu sa odlukama DERK-a.
8. Sankcije
 - 8.1. Ukoliko se vlasnik licence ne pridržava uvjeta iz licence ili zakona, primijenit će se kaznene odredbe predviđene zakonom.
 - 8.2. DERK može da vlasniku licence dostavi administrativno obavještenje o povredi i da ga pozove na administrativno poravnanje povodom povrede licence od vlasnika iste, prije nego što se primijene kaznene odredbe.
 - 8.3. Prije primjene mjere iz tačke 8.2, u slučajevima kada to okolnosti dozvoljavaju, DERK će pismeno opomenuti vlasnika licence i odrediti rokove za otklanjanje nedostataka.
 - 8.4. DERK prilikom sankcioniranja može koristiti mogućnost suspenzije ili ukidanja licence u skladu sa Pravilnikom o licencama.
9. Rješavanje sporova
 - 9.1. Rješavanje sporova pokrenutih od trećih lica vezanih za provođenje uvjeta licence se vrši u skladu sa Poslovnikom o radu DERK-a (“Službeni glasnik BiH,” broj 2/05) i Pravilnikom o javnim raspravama (“Službeni glasnik BiH”, broj 38/05) ili na drugi odgovarajući način koji je u skladu sa pravilima DERK-a.

9.2. Sporovi između vlasnika licence i kupaca električne energije rješavaju se u skladu sa propisima važećim na području djelovanja vlasnika licence.

10. Odredbe o obavještanju

10.1. Adresa vlasnika licence koja se koristi u svrhu dostavljanja obavještenja je:

JP „Komunalno Brčko“ Brčko Distrikt BiH

ul. Studentska broj 13, Brčko

10.2. Vlasnik licence može promijeniti svoju adresu koja se koristi u svrhu dostavljanja obavještenja, ali o tome mora unaprijed obavijestiti DERK. Za izmjenu adrese koja se koristi u svrhu dostavljanja obavještenja nije potrebno vršiti izmjenu licence.

11. Prilozi

11.1. Sastavni dio licence su:

- Prilog 1 – Tabelarni prikaz objekata vlasnika licence u funkciji obavljanja licencirane djelatnosti (dalekovodi, trafostanice), i
- Prilog 2 – Tabelarni prikaz objekata koji nisu u vlasništvu vlasnika licence, a koji su neophodni za obavljanje licencirane djelatnosti.